

Agape miBhalo - God's Love Letter Scriptures

Johane 15:9 “Njengalokho uBaba engithandile, nami nginithandile; hhalani othandweni lwami.

Isaya 43:1,2,4 Kepha manje usho kanje uJehova owakudalayo wena Jakobe, nowakubumba wena Israyeli, uthi: “Ungesabi ngokuba ngikuhlengile, ngikubizile ngegama lakho; ungowami. 2 Lapho udabula emanzini, mina nginawe; nasemifuleni, ayiyikukukhukhula; lapho uhamba emlilweni, awuyikusha, nelangabi aliyikukushisa. 4 Ngenxa yokuba ubuyigugu emehlwani ami, futhi ubudumile, uthandekile kimi, ngiyakunika abantu esikhundleni sakho, nezizwe esikhundleni sokuphila kwakho.

Jeremiya 1:5 “Ngingakakubumbi esiswini ngakwazi; ungakaphumi esizalweni ngakungcwelisa, ngakubeka umprofethi ezizweni.”

Johane 15:16 Aningikhethanga nina, kodwa mina nginikhethile nina, nganibeka ukuba niphume, nithele izithelo, nezithelo zenu zihlale ukuba noma yini eniyakukucela kuBaba egameni lami aninike khona.

3 Johane 1:2 Sithandwa, kunakho konke ngikufisela ukuba ube nenhlanhla nokuphila, njengokuba umphefumulo wakho unenhlanhla.

Jeremiya 31:3 UJehova wabonakala kimi ekude, wathi: “Ngikuthandile ngothando oluphakade; ngalokho ngikudonsile ngomusa.

Hoseya 11:8 “Ngingakunikela kanjani, Efrayimi, ngikukhaphele, Israyeli, na? Ngingakwenza kanjani ube njenge-Adima, ngikubeke ufane neSeboyimi, na? Inhliziyo iyaphenduka phakathi kwami, sonke isihawu sami sivusiwe.

Johane 3:16 “Ngokuba uNkulunkulu walithanda izwe kangaka, waze wanikela ngeNdodana yakhe ezelwe yodwa ukuba yilowo nalowo okholwa yiyo angabhubhi, kodwa abe nokuphila okuphakade.

Isaya 49:15,16 “Owesifazane angakhohlwa umntwana wakhe oncelayo ukuba angabi namusa kuyo indodana yesizalo sakhe na? Yebo, bona bangakhohlwa, kodwa mina anginakukukhohlwa wena. 16 Bheka, ezandleni zami ngikubhalile, izingange zakho ziphambi kwami njalo.

Isaya 41:13 Ngokuba yimina Jehova uNkulunkulu wakho obamba isandla sakho sokunene, nothi kuwe: Ungesabi, mina ngiyakusiza.

Mathewu 28:20 nibafundise ukugcina konke enginiyale ngakho; bhekani, mina nginani izinsuku zonke kuze kube sekupheleni kwezwe.”

Johane 14:1 “Inhlizyo yenu mayingakhathazeki. Kholwani nguNkulunkulu, nikholwe nayimi.

Isaya 41:14 Un gesabi wena mpethu, Jakobe, nani bantu bakwa-Israyeli; mina ngiyakukusiza,” usho uJehova; uMhlengi wakho ungoNgcwele ka-Israyeli.

AmaHubo 23:1-6 Ihubo likaDavide. UJehova ungumalusi wami, angiyikuswela. 2 Uyangilala emadlelweni aluhlaza; uyangiyisa ngasemanzini okuphumula. 3 Ubuyisa umphefumulo wami; uyangihola ezindleleni zokulunga ngenxa yegama lakhe. 4 Noma ngihamba esigodini sethunzi lokufa, angesabi okubi, ngokuba wena unami, intonga yakho nodondolo Iwakho ziyangiduduza. 5 Ulungisa itafula phambi kwami ebusweni bezitha zami; ugcoba ikhanda lami ngamafutha; indebe yami iyachichima. 6 Impela okuhle nomusa kuyakungilandela imihla yonke yokuphila kwami; ngiyakuhlala endlini kaJehova kuze kube phakade.

Johane 14:27 Ukuthula ngikushiya kinina, ukuthula kwami nginipha khona. Akunjengokupha kwezwe ukunipha kwami. Inhlizyo yenu mayingakhathazeki, ingesabi.

Filipi 4:7 Ukuthula kukaNkulunkulu okudlula ukuqonda konke kuyakulondoloza izinhlizyo zenu nemicabango yenu kuKristu Jesu.

IzAga 3:24 Lapho ulala phansi, awuyikwesaba lutho; nanxa usulale phansi, ubuthongo bakho buyakuba mnandi.

AmaHubo 4:8 Ngizakucambalala ngokuthula, ngilale ubuthongo, ngokuba wena Jehova wedwa unghalisa ngokulondeka.

AmaHubo 33:18 Bheka, iso likaJehova liphezu kwabamesabayo, abathemba umusa wakhe,

AmaRoma 5:2 okungaye sinokungena ngokukholwa kulo musa esimi kuwo, siyazibonga ekwethembeni inkazimulo kaNkulunkulu.

Isaya 55:12 Ngokuba niyakuphuma ngokuthokoza, niholwe ngokuthula; izintaba namagquma kuyakuqhumuka ngokuhlabela phambi kwenu, nemithi yonke yasendle iyakushaya ihlombe.

Johane 16:22 Nani-ke nilusizi manje, kepha ngiyakubuye nginibone, inhliziyo yenu ithokoze; intokozo yenu akakho onganamuka yona.

Luka 12:9 kepha ongiphika phambi kwabantu uyakuphikwa phambi kwezingelosi zikaNkulunkulu.

Mathewu 10:30 Kodwa kini zibaliwe nezinwele zonke zekhanda lenu.

Isaya 54:10 Yebo, izintaba zingamuka, namagquma angasuswa, kepha umusa wami awuyikumuka kuwe, nesivumelwano sami sokuthula asiyikususwa,” usho uJehova okuhawukelayo.

Mathewu 11:28 “Zanini kimi nina nonke enikhatheloye nenisindwayo, mina ngizakuniphumuza.

IsiHlabelelo SeziHlabelelo 2:10 Othandiweyo wami wakhuluma, wathi kimi: “Vuka, sithandwa sami, muhlekazi wami; woza sihambe,

Hoseya 2:14,19,20 “Ngalokho bhekani, ngiyakumyenga, ngimyise ehlane, ngimqunge isibindi. 19 Ngiyakuzimisela wena ube ngumkami kuze kube phakade, ngizimisele wena ngokulunga, nangokwahlulela, nangomusa, nangobubele. 20 Ngiyakuzimisela wena ngokuthembeka ube ngumkami; uyakumazi uJehova.

Eksodusi 3:14 UNkulunkulu wathi kuMose: “Nginguye enginguye.” Wathi: “Uzakusho njalo kubantwana bakwa-Israyeli, uthi:“UNgikhona ungithumile.’ ”

Hoseya 13:4 “Nokho nginguJehova uNkulunkulu wakho kwasezweni laseGibithe; ngaphandle kwami awazi Nkulunkulu, nomsindisi akakho ngaphandle kwami.

Johane 15:14 Ningabahlobo bami, uma nenza lokhu enginiyalala ngakho.

IsAmbulo 3:20 Bheka, ngimi ngasemnyango ngingqongqotha; uma umuntu ezwa izwi lami, avule umnyango, ngiyakungena kuye, ngidle naye, naye adle nami.